

KBC THUSO

JUNE/LHADOU LEH
JULY/LHAMUN 2022

Regd. No. 19134/88
<https://www.kbc.org.in> NAI/220/99
No-G4/Regd. Magazine/
KBCThuso/MNP-81



August Events

Executive Council - 09
Meithai Nikho - 21

*"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"*

John 17:11



May 10-13, 2022 sung a Machi Baptist Church mun a MBC 3rd Women Quadrennial Conference ana kibol, KBC Nute thalheng Labung sahna.



16th May - 3rd June chan Shalom Theological Seminary, mun a C. Th Spring Semester lolhing tah in ana kichai tai.



KBC Events ana ki man nikho a Environment to kisaija Churachanpu B. Vengnom a Painting competition ana bol nao.

CONTENTS

THUMAKAI HO

TULAIYA KUKITE KINOISENA/ <i>Editorial</i>	1
CHRISTIAN DIH TAH LEH CHRISTIAN TAHSAN// <i>Rev. Jamkhohou Haokip</i>	3
MEITHAI KIGEL KHOHNA MASAPEN/ <i>Nu Lamkhoneng Haokip</i>	7
Column	
MISSION FIELD VISIT	9
MEN DEPARTMENT REPORT	13
WOMEN DEPARTMENT	16
YOUTH DEPARTMENT	20
SHALOM THEOLOGICAL SEMINARY	23
Office Diary	26
Gambih Diary	27
OBITUARY	31

EDITORIAL BOARD

Chairman : Rev. Tonglet Haokip, President KBC
Editor : Dr. M. Thongkhosei Haokip, General Secretary
Joint Editor : Rev. Lunkhosei Tuboi
Contributing Editors:

1. Rev. Thongkholun Touthang
2. Rev. Lamkeng Lhouvum
3. Rev. Tongmang Haokip
4. Ms. Tingneihing Kipgen
5. Rev. Lunkhosei Tuboi
6. Rev. T. Thangkhosei Haokip

Design & Layout - Hemkholen Haokip
Circular Manager - Ms. Vahboi Baite
Recorder Ms. Vahnunnem Haokip

THUSO LAHMAN

Church/Organisation/Department : Rs. 300/-
Individual : Rs. 200/- (Post a Rs. 250/-)
Indian Overseas Bank, Imphal Branch
A/C No. 073201000000350 IFSC No. IOBA0000732
The General Secretary,
Kuki Baptist Convention,
Opp. D.M. College, Imnphal 795001, Manipur
email: kbcindia@rediffmail.com

Advertisement bolnom hon Mobile No 70895979446
Circulation to kisai lam Mobile No. 9862107393 bolding



TULAIYA KUKITE KINOISENA

EDITORIAL

A Pathenu Pakai hikha nam mite chu anunnom ahiuvin, Pakaiyin agoulo dia alhendoh mite chu anom uve. Psalms 33:12

Chonphatna'n mihem namkhat achoisangin, Chonset nan mihem nam pumpi vetdan aumsah e. Proverbs 14:34

Amasatah in muntina um Kuki Christian chate jouse ahideh a KBC member ho jouse chung a iPa-kaiyu Jesu Christa minin salaam kahinpe cheh uve. Tulha thupi chu "Pate Mopohna" ahi toh kilhonin, tulaiya Kukite Kinoisena toh kilhonna ihoubung leh lhangpi hinkhoa sahphat ding poimo tah khat in kagelin ahi. Atah bah chun hiche hi tulai Kukite dinmuna dinga tijat le lhaset umpen tah ahiye. Hiche article ah hin Kukite kinoisena leh Christian nang le keiyin pan ilah ding dan thudol chomcha kahin tahlng in ahi.

Pathen chu namtin chung a thutan ahin, chonpha nam mite chung a vang aboh e ti Bible ah akimun ahi. Pathen hou tillaiyin Pathenin in jong inampiu phat thei anaboh jeh a tuni chan ihung geiyu chu ahi. Bible in 'midih hon vai ahom teng mipi akipah thanomin, migilouten vai ahom vang leh mipi agentheiy'e' ati. (Pro 29:2). Mose, David, Nehemiah,

Ezra, etc. ho jeh in Pathenin hiche na mite phatthei aboh e ti imu uve. Tunia nang le kei chondanin inamsungu phatthei abohthei ahiloule gaosapna amusah thei ahi ajeh chu Achan chonset jeh in ama le ainsungm jouse amanthah lo tauve.

Hijong leh, tulai Kukitehin Pathen chu iumna jouseu-va konin inodoh tauve kitileh seival hiponte. Ajeh chu, eihon Pathen chu i-insungu le kichenna thenga konin inodoh tauve. Anina ah, eihon Pathen chu Jilna/Tohna mun hoa konin inodoh tauve. Athumna a, eihon Pathen chu kivaihomna (politics) a konin inodoh tauve. Alina a, Eihon Pathen chu Ama ihouna a konin inodoh tauve. Angana ah, Eihon Pathen chu lhangpi nun (socio-cultural) a konin inodoh tauve. Achuti leh Pathen toh chengkhom loute ihitah u Chula! Hitia Pathen inodoh tho jeh uva hi namdang mite muda leh thet umtah isodoh u ahitai.

Hicheho jouse le adanghoa kona kicheh tah a kimu chu, Pathen lung tona ding ima iboldoh tapouve, sopiteho. Pathen gaosap chang dinga kilom mong mong ihiuve. I Pathenu chu Pakai hikha talouva ju le sa, eima tumpoh, iphung-ichang, sum-le-pai chule nei-le-gou ho chu hita lou ham?

ACHUTI LE IPI ITI DIU HITAM?

Michang cheh hihen inampiu hijong le ikithokit na diu chu chung a teni hin kicheh tah in aseiyi. Hiche- hi jui uva ahile inamu choisanga mihet thei chule phatthei chang ihidingu ahi. Lampi dang ampoi. Lunglut tah a sim jouse chung a Pathen vangboh chang jing taken.



"CHRISTIAN DIH TAH LEH CHRISTIAN TAHSAN HATTAH HI THEINA DING A NGAICHA HO"

LUKE 19:28 - 44

By: Rev. Jamkhohao Haokip
C/C Kangpokpi KBC - 5

SERMON/ARTICLE

Introduction: Christian kahung hikal hi kumsot thimpi achetan, ahinlah Christian dihtah le effective Christian khat kahithei poi ti hi mitampi eum dia katahsan in ahi. Noija hin Christian dihtah hitheina dia ngai khoh do mho ana veu hite.

(a) **PATHEN MIN UMDOL:** *Pathen hi koi ham? Tia kidoh ding hita leh ipi nasei dem? Pathen namu khah ta hem? Kamu kha poi, chutui leh mulouva/ hetlouva , iti Pathen kahouve nati thei ham? Natahsan na chu adih mong hinam? Mutheilou Pathen ahi. John 1:18 koiman imatih in Pathen amukha poi, John 4:24 Pathen chu lhagao ahi. Exo. 33: 20 Mose in Pathen amu nom e. achuti leh mutheilou Pathen chu iti imuthei diu ham? Bible in aseibanga Pathen chu Lhagao ahile eiho jong lhagaova ihin thei teng ule Pathen chu imu thei diu ahitai. Itighsao hi leivui a kon ahin, leivui masoh kit dingt ashi. Ahin, ilhagaovu hi mangthei lou , monthei lou ahi. Tahsan chate jouse hin phat khat phat teng Pathen mutheilou chuimittah uva imudiu ahi. Chuting le ikipanao chamkim soh ding ahi.*

**GREEK MITE LEH HEBREW
TE PATHEN MUDAN ACHOM
LAM TAH IN ANAN SEIJU
HITE.**

**OLD TESTAMENT KHANGA
PATHEN MIN UMDOL LE HE-
BREW TE PATHEN MINSAH
DAN HO**

ELOHIM: Genesis 1:1

Hiche a muthei chu, plural

*form in aseijin Pathen ho tinna amangin in ahi, hiche hin avet-
sah chu Pa Pathen, lhagao theng
Pathen, Chapa Pathen tina ahi.*

EL: *Hiche thu cheng hi semtila
nam jousen Pathen mini nana
manguvin ahi. Pathen min hi
aphah poh ngamlou jeh uva EL
tia ana mainsah u ahi.*

ELYON: *Hiche hi Pathen dang*

ho kouna bangin ana man-guve, adeh in Cannan miten ana haman uve.

SHADDAY: Exodus 6:3, Gen., 17: 1; 28:3 Amin hi Pathen kik-ouna ahin ipi tina ham vang akihepoi, hinlah hatchun-gnung Pathen tin jong anala uve.

YEHWEH: Hiche thucheng hi Hebrewten Pathen hatchun-gnung thil jouse bulpi tina in amanguve.

Greek leh New Testament 'a Pathen min umdol

"Theos" Hiche thucheng hi Pathen seinan amang uvin ahi. Theos a konin bahni ahin khen uvin, Theophany leh Theocracy ahinsem uve.

Thephany : Hiche theory hin ase chu ahi le mihem lim a hung kimusah tin amang uvin ahi. Jesu CXhrista mihem lima imu u chu aphotchetna ahi tai tin ase chu uve.

Theocracy: Pathen in mihemte chung a vai apoh na chu Theocracy akitin, Isareal te jong hi phat sottah Theocracy in nan kipo uve.

Bible themhon Pathen ahilchen danho ana vekit u hite:

God is indefinite: Hingjing Pathen

God is Spirit : Lhagaoi theng Pathen

God is Eternal : Hingjing Pathen
God is unchangeable: Kikhel the neilou Pathen

Labu 114: 1 Mingol chun alungth-im a "Pathen aumpoi" atin asije. Labu 10: 4 Mikiletsah chun amai al letlut in aopun Pathen aholsin sinpoi, alungthim ngaite jousen jong "Pathen aumpoi" Tin asiji.

(B) FAITH (TAHSAN): Hiche thuchenghi, "Tahsan" tina ahi. Bible a hin veltampi akimutheije. Greek " Pistis" Tahsan

kiti jatchom chomma seithei ahi. Ahin tua iseinom 'u chu I Pakaiju Jesu Christa thuhilho le thuteep ho ginchatlel na beihela tahsanna le panna chu ahi. Chuleh hiche tahsanna kona chu kipana chamkim, chamna bukim chuleh hanta lhingset hihi ahi. Chujo-ng le hihcer tahsan na chu adih dan le kilonglou ahidan amasa penna eima jong tahsan ding ahi. Christian Religion " Sakho" hi mulouna tahsanna, alhangpin akingam'e Katina chu, Bible in jong mulouva tahsan chu anun-nom ahi ati. Thomas vang chun kamulou leh tahsan ponge ana-ti. Mithusei Vanga tahsan hi ana hirthei poi, aje chu mi thuhil dih ahilou le chena lhongpi "Doc-trine" juibukim jeh a tahsan dehtah a umdan a kigel'a jong umthei ahi. Natahsan adihlou le Christian dihtah le hattah nahi thei lou ding ahi. "English Speak-er kaht in hitin ana seije " Faith is



a defensive weapons to protect us from attack of Satan" tahsan kiti hi Satan galjona dinga Manchah phatah ahi. Lhepna jojoura ding in Tahsan kicheh tah angaije. Chute leh iti itahsan 'u hatthei ding ham? Itih-san u hanta thei dingin; Christian khang thusim ho avel in geldoh kit uhite.

Vetsahna Paul tahsan ahatdan, Abraham tahsanna aletdan, Jacob tahsanna chungnung achudan, Daniel tahsanna thillen tah atohdan ho anaave jing ute. Tulai kahng a seidin, John F. Kennedy, David Livingstone, Sadhu Sunder sing ho thusim in kitilkhoh jing ute. Itahsanna apilphin teng Christian dihtah le hattah ihi thei ding ahi tai.

(C). STEAD FASTNESS (THO-HATNA): Greek paovin Hupomone akitin, Hiche thucheng umje chu ahile apanna beidan moh thohhatna hilouvin, jona (Honour) ahilou le phatchomna khonung a ding jalla thoh hanta ahi. Hitabong thohhat na chu aphant dungjui ja hungsog, thilhahsa, thuhahsa, lungim, lungdon, ipi umjong le Pathen minna thohhat'a joding tina in akilange. Herb. 12:2 thohhat thu tampi seibe thei aum'e, ahin Bible in thohhat'a asei chu Job ana hi. Job thusim akon 'a muhei chu, Pathen in amite thohhatna hi ahai mil ngai poi tijong phot chet ahi.

(D). PIETY (PATHEN NGAI-SAHNA) : Greek - Eusebiei-a Hiche Greek thucheng hi eipaova ahina bangtah a le doh ahah sai, hiche thucheng umji tah chu ahi leh Pathen lungna changtah a ngaisah ding tina ahi. Chutabang mi chu heng le kom sopi u leh nao jong dekhanna chom khenna anei poi. (Greek Philosopher Socre-ats) hin Heavenly Permission bei in, imacha abol ngai poi. Abol jouse mihemte ngailutna tin asei e. amahin ngaisahna hi thil thupi tah in asei in ahi. Hiche toh kilhon chun suhgimna, suhboi, tha, mat, thisanso, abol ngeipoi.

(E). KNOWLEDGE: Greek "Gnosis" Hiche a Greek thucheng jong hi lampi nin het thei le hilchet thei ahi. "Sopihis" Chuleh "Gnosis" tea khi thei ahi. Gnosuis chihna ahailou le lungthim themna, hiche Gnosis tulai Meilheiten "Laisu" tiho bang ahi. "Sopihis" hi wisdom chihna kitipa hi themna / jilna sanjeh a kimu chihna kiseina ahi. Chihna hi thil thupi tah ahi. Hosea 4:6 kamite chu ahethnao alhahsem jeh in, suhmangin aum gam tauve. Hetna hithil poimo tah ahi. Pathen mingailutna hi hetdoh theina in hetna gilt ah nei angaije. Pathen thu hetthem theina ding in hilna anagije. Eden hon sung a Adam le Eve hetna alhahsem

hjehe in Satan in ana lhimlhah jouve. Satan in mihemte alhep je ding teng ama hetna tichu mihingpa hetna alamangji e, chuting mihingpa, mihingnu chu alhemjou ji tai.

(F). PRAYER (TAONA) : Mihem hinsempa Pathen Chung a bou kingaija hinkho aman ahibouve, hijehchun Adama lungtup am-also jingna ding thu henga ataouva akithum jingding an-agije. Paul invang tantih neilou vin taojing uvin ati 1Thessa. 5:7. Taona hi Pathen ikah uva palai ahi, taona tilouvin Pathen toh kihoumatna ding aumpoi, mikonkhat atao teng, mihehesetnan adimin, mikhat macho atao teng, amaphatchomna ding bou thum nan akisaboi ji tai. Taona hin bidoi kicheh anei angai je.

Hebrew paova kon taona umdol ahiloule thangvah na kimudoh ho veuhite:

- a. Yadah: Pathen na kipumpih ding
- b. Towdah: Kikat doh
- c. Hallal : Lungsetna neipuma tao ding.
- d. Shaback: Awging tah a ta-oding
- e. Barak: Phatthei bohna dia tao ding
- f. Sabak : Phondoh na neipuma tao ding.

Chung a kimu hohi Hebrew te taona hetdol ahi.

(G). SELF CONTROL (Eima

chang kitimthem na) : Hiche thucheng hi Greek pao-vin seileu hen Egkratica tin akimang e, Hiche thucheng in akoudoh chu ahileh mihem ama le aama kituh tang jouthei tinan akimang e, Greek philosopher minthang, Aristotle chun hiche kituh tang jouna kiti hi jatli (4) in ana hom khi e.

- i. Sophrosune, perfect temperance: Sele pha hetna manchah lungvil suhdaina ahilou le suhnem na.
- ii. Alcolasia: Sele pha ehetha manchah ding gellou, ama ngaichat le lungvil jeng a kingai ho.
- iii. Akrasea: Hiche hijn sele pha hetna in phallou va hitia chu tahsa ngaichatna a chu lhum mangji ahi.
- iv. Egkratia: Self Mastery: Hiche thucheng umji chu ahile mi amale ama kitimjou chule lung lim getcha hinkho mang jing thei tina ahi.

THUCHAINA

Achunga isei jousea jothei na ding in a penhah sa cheh dinggin workers ho jouse ikitem uvin ahi. Pakai lenggam etoh khom nao KBC hi, semphat, semhoi na ding in ehon Pathen ahi ti geldoh jing uhite. AMEN

KAKIPAH E.



MEITHAI KIGEL KHOHNA MASAPEN LEH MEITHAI NIKHO HUNG KIPATNA

Nu. Lamkhoneng Haokkip



SERMON/ARTICLE

- *Meithai Nikho kitihi The Loomba Foundation ten aji umtalou meithai ho gelkhohna jal'a 2005 kum'a ana patdoh u ahi.*
- *June 23 hi Vannoi Meithai Nikho geldoh nading analhendoh u ahi, ajeh chu 1954 kum a hiche nikho a chu Shrimati Pushpa Wati Loomba, Lord Loomba nu chu meithai ahunghi nikho anahi ahi.*
- *Amasapen a dinga Vannoi Meithai Nikho a kiman nachu 2005 kum ana hin, hichu Lord Loomba le hiche foundation (kiloikhomna) president anahi Cherie Blair toh hiche nikho chu ana hondoh lhon ahi.*
- *June 23 hi Vannoi Meithai Nikho dinga United Nations in December 21, 2010 in ana hetpeh pan in, 2011 kum chun Vannoi Meithai Nikho chu manpat in ana um tan ahi.*
- *Hetdia poimo tah khat chu vannoi pumpi a hin 258 millions a tam meithai aum in ahi.*

Kum 1997, Raj Loomba kitipa nu athi joukal kum nga a chun Raj le ajinu Veena in Shrimati Pushpa Wati Loomba Trust kiti kiloi khomna khat ana phutdoh in ahi. Hichu Loomba Foundation tin UK gam a ana kihe pan in ahi. Hichu meithai ho le chaga ho sasah a amaho kisuh nemna le kivetnem naho suhmang nadinga ana kiphutdoh kiloi khomna khat anahin ahi. Atil abul a chun Raj chenna gam India hi doile tupma ana um masapen ahi ajeh chu 46 million jen India sunga meithai um ahi.

Hitia meithai tampi aumdoh tah jeh chun insunga genthei hahsatna ana umdan, noise na ana chandan u le notthap le vetnem a um anahi dan u chu Raj chun agam sunga ana mujing ahi. Hijeh a chu Raj hin meithai hole chaga ho lekha lam a kichuhna le sasahna khat akipat doh a hindan le lungput akikhel lou akhohtai ti ahin hetdoh toh lhonna hiche Loomba Foundation kiti chu ahin patdoh ahi. Hiti chun ol ol in Raj in UK le India a goverment toh kitho a pan lahkhomna ahinpan tan ahi. Hiche natohna hi 25 March 1998 a chun London a japi het in hondohna ana um in, British Prime Minister Tony Blair le ajinu ana pang lhon in ahi. Tony Blair jinu Cherie Blair kitinu chu hiche Loomba Foundation patron a anapang masapen in chujou vin 2004 kum in Loomba Foundation a din president in jong ana pangtan ahi.

Hiche thilpha natohna kiloikhomna chu 31 March 1999 kum in New Delhi, India ah hondohna ana umtan ahi. Hiche a chu Prime Minister Atal Bihari Vajpayee in hondohna ana neijin ahi. Hiche a pat chu hiche Loomba Foundation kiti chun Delhi khopi chengho lah a amasapen a dingin meithai chate mi 100 themjilna lam a mohseh a sotna, kithopina ana pepan tauvin ahi. Hiti chun hiche natohna chu ahung khang touvin 2009 kum chun India State 29 ho a

meithai chate 2900 kithopina ana pejou tauvin ahi. Hiti chun natoh ahung chal uvin meithai khankho tona chu vannoi hetthei dingin ahung umdoh tan ahi.

Amasa pen a dingin International Widow's Day (vannoi meithai nikho) chu 2005 kum in Lord Loomba in hiche phatna president Cherie Blair jaonan ana mang pan tauvin ahi. 2011 kum a pat chun International Widow's Day chu Sri Lanka, United States, UK, Nepal, Syria, Kenya, India, Bangladesh, Syria, Kenya, South Africa gam ah ana mang pan tauvin ahi.

Hiti chun United Nations General Assembly (UNGA) in June 23 hi International Widow's Day tin December 21, 2010 kum a pat chun pomna le phondohna ana neitauvin ahi. Hichu 2011 kum a pat chun phatah in vannoi jin hiche nikho chu Meithai Nikho in ahin mang pantai. Hiche hi Loomba Foundation in aum talou Shrimati Pushpa Wati Loomba, 1954 kum a meithai ahung hipatna geldohna le meithai ho gelkhohna jal a hungki mang pan anahitai.

Bible pumpia meithai min kiseidoh jat: 81 (somget le khat)

Thulhun Luiya: 56 Thulhun Thah a: 25 Agom'a 81 MANIPUR A MEITHAI CAMP HUNG UMDAN THUSIM

Manipur a meithai camp hung umdan hi Churachanpur a meithai phabep kiloikhom hon Ruth Prayer Team taonan pum in NI. Niengpi Singson le aloi ten ana phutdoh un, ama ho mopohnan Bethany High School (NI. Hathoi School) mun a chun nisim 16-21 June 1986 in camp masapen chu lolhing tah in ana kimangin, hichea chun campers 146 ana pangin ahi.

Speakers ho:

1. Rev. Lalngaisang Sielmat
2. Rev. Khaizakham Vaiphei

3. Rev. Thangjaleng Singson le aloinu
4. NI. Thenkim (*w/o Rev. Thangjaleng*)
Hiche Camp a hin NI. Niengpi hi Kolkata Bible College a ache phat toh ana kito tah jeh in amavang ana pang tapoi. Hijongleh jakai gontoh sa a ana koiya mitampin phatchomna amu theijeh in ama chung a seijou lou kipathu akiseiye.

NB: "Pathen in meithai ho hi alung laigil'a akoiya asel guh a ol-ol a miho ahin manchah a aloupina phondoh a aumsah in kalunga alange, Halleluiyah Amen."

KBC A MEITHAI CAMP HUNG UMDAN THUSIM

Meithai camp masapen Churachanpur a kon a kahung lhun apan, KBC a meithai hon jong camp hi kineileh ti kalunga alang l'heh jengin, KBC Women President kahi pet sung ana hikit toh lhon chun 1989, Women Assembly a Agenda khat in ahung kisei pan in, phatsahna akineitoh lhon in 1989 KBC Council a pehlutna/seina ana kinejin KBC Council in pha asan, chujouvin KBC Assembly a pehlutna akinei kit in, Assembly 1990, Gangpijang Baptist Church mun a Resolution No. 22.37:90 in phatsahna ana kibol toh lhon KBC Women Department mopohna le vetsuina a umdin jong Assembly in phatsahna ana boltai.

Hiti chun 1991 kum in KBC a Meithai Camp masapen chu Gambih No. 17, Chassad Gamkai a ana kibol in, hichu 10 – 13 October 1991 sung ana hin, camper chu 60 vel ana pangin ahi.

Speakers ho:

1. NI. Niengpi Singson
2. NI. Lamkhoneng Haokip, KBC Women President
3. Ng. Lhingjane, (Anem), Women Secretary



MISSION FIELD VISIT

*Rev. Lamkeng Lhouvum,
Mission Secretary*
Mission Column

INDIAN CAMPUS CRUSADE FOR CHRIST TE TO KIMUTONA

Tuni nisim 24/6/2022 nikho hin Indian Campus Crusade for Christ Siliguri vilna kaneijun ahi. ICCC te hi masanga jong partnership a ina toh khom sao ahin, avellin Mission natosh thudol kihou limna akineijin ahi.



Tuni visit kibol na a Chanu Hoineithem Haokip d/o Pu Thangpu Haokip KBC Centre Church Molnoi Area KBC No.16 ama jong Pakai natong dingin ana umin kaki muto u anom l'heh jengin ahi. Taona a jong gel doh jingu hite.

Ama ho hi Faith ministry natong ahiuvin, Salary jong nei lou hitia voluntary a kipe doh a kimang cha ahi. Hitobang khang dong Pakaiya dia Lungthim nei imu jallun Pathen thangvah in um hen.

REV. DR. PETER TE CHUNG A KIPA THUPHON

Tuchung KBC Mission field Siliguri, Santali Field visit kinei na a 22/6/2022 chun Siliguri kalhung taovin ahi.

Kipa umtah in Rev Dr. Peter Kasung Director & Founder Leadership Training Center, aman Driver ahin sollin Bagdogra Airport a eipuijun ahi.

Nisim 23/6/2022 nikho in Siliguri Santali Field thua boi na neo khat um suhto na dingin nasa tah in ei kithopiuvn ama tah jong



amuna ei kilhonpiuvin ahi. Ama lankai na noiya kihouna nei din kacheuvin, hinlah vangset um tah in boina ana sempa chu ana jam doh in kakimu to thei pouvin ahin amun ho chu hoitah in kahin veovin ahi. Chuleh (L) Rev D, Athang Haokip le family ho jong vilna le tao peh na kahin nei jun ahi.

Nisim 24/6/2022 Bolero Gari eiman sah kitnun, Partnership a ina toh khompi jingu, Indian Campus Crusades Centre Siliguri vilna kaneijun, ama ho toh phat chom khat kakimang khomun ahi.

Chuin Rev Dr. Peter Kashung leh Team hon aphudoh sa Immanuel International School nom tah leh, Leadership Training Center noiya Theological College campus ho vilna kaneijun ahi.

23rd June nilhah in jong kei ho thum an ne in eikouvun tuitah in An neh tuidon ho kanei khomun ahi. Pu S Athang Haokip Baord Chairman pan Kipa thu aseijin, Kalhunuva patna Driver eipehvuva Gari eimansah jeh un kipa thu seinan Saipikhup khat kasil peh un ahi. Hiti chun Rev Dr. M. Thongkhosei Haokip in taona amangin hiti hin kahung kimang chaovin ahi. Rev Dr Peter Kashung leh insung mite Pathen in phat thei boh jong taohen

KIPA THUPHON

Tuchung KBC Mission Field visit kinei na a adeh in 21/6/2022 nikho in Imphal to Guwahati kajeonun ahi. Pu Tongpao@ Thomas Haokip in Airport a eina lamlouvin chuleh Lunch jong ama ho inna kanekhomun ahi. Chuin Guwahati sunga eipui leuvin, KWS Guwahati Church plot leh Eimi ho Veng Semna mun ho vilna kaneijun ahi.



Nilhah in kanao Pu Jangchon te ina Dinner kaneovin insung maicham kasem khomun ahi.

Nilhah in Pu Tongpao@Thomaa Haokip ina Insung maicham semna leh Jan chol dona kamangun, ajing jing kah matah in Guwahati Airport a eihung thah un ahi. Hichan geija ei khohsah uva Sopite chungu kipa thu sang tah in kahin phongin ahi. Pathen in vang boh jing taohen.

KIPA THUPHON

Kipa umtah in Pu Kaiminlun Haokip, CISF COMMANDANT Kolkata Airport a um ahin, ama office a kimuto na leh chadonkhom na kaneijun ahi.



Ama leh Insung mite, atohna mun a din vang thum peh na Taona Pu General Secretary Rev Dr. M Thongkhosei Haokip in amangin ahi. Pathen in Sopi Kaiminlun Haokip phatthei bohjing ta hen.

SANTALI MISSION FIELD VISIT

Tuchung hi adeh a aumtalou Rev D. Athang Haokip in Compassion Ministry hotoh kitho a Siliguri a SANTALI MISSION Field tia ministry ana bolna muna Houin khat jong akisa doh tan ahi.



Hiche bana chun Office Building leh Ministry a ngaichat ho a manthei ding leh Children Home a manchah dinga jong in Building kisadoh ahitai.



Hiche toh kilhona Children Home a dia Kichepna ding Children Park jong kistem doh a ground nomtah jong kistem doh ahitan ahi. Hinlah vangset um tah in Rev D Athang Haokip in ei dalhah u leh amun hi boina neo khat ahung umdoh tan ahi. Tuchunga hi hiche lai mun hi itih sem toh thei hiding ham tia kikal song ahin, hinlah gelto bangin akichal Iha joupon ahi. Hijong le Taona toh thon gal doh jing leo hen Pathen in jona nikhat leh eihin peh diu kinemin um jingu hite.





MEN DEPARTMENT REPORT

Rev. Tongmang Haokip
Men Department Secretary

Men Column

Amasa pen in phat mantamtah eipeouva hatchung nung pathen kathang vahe.

Pakaija tohkhompi muntinna Houng mitele Pate jouse nabon un kangai lutnao Salam kahin peouve. Conction Men Department khantounale machalna anoiija hin report chomcha kahinpeui.

1. Convention Men Department :-

(a) Pathen lungsetna jalin Men Dpartment jong akhang tou jingin ahi. Conventon Men Department in tule tua kiboipi jing Missionary mi 4(li) kigoijong pathen lungsetna jalin anatohu jong amachal jingin ahi. (b) Permanat Missionary Fund (PMF) kiti Convention Men Department kipu tila patna ana kiphutha chu lpidinga ? ana kiphut ahiloule ana kisem dohham? Convention Pate in Missionary egoina dinguva ana kiphut doh ahiloule anakisem doh ahi.

(c) 2022 Assembly kiphatsahna dungjuijin, Permanant chu" Pate" joh in akikhel in "Pate Missionary Fund" (PMF) kiti ahitai.

(d) Pate Missionary Fund (PMF) koikoi in apeh ding ham? Pakai lenggam natohna Missionary egoinao ahijeha Pate koihijongle apethei chan in apeh ding ahi. Tuchana Missionary mili kigoiho jonghi Pate Phabep khat in kumseha PMF Certificate ahinpeh jeha hichan geija Missionary esolu ahi.

(e) 2022 kumma patna Pate khat in Rs 500 (five hundred) only a patna chung lam apehcheh ding chule Rs 5000(sanga) a pat chung lam hinpeho kipa manna Memanto hoitah khat jong peh tha ding ahi. Tukum a dingin jong miphabep khat in pakai lenggam natoh na dingin thanom thah in ahinpen, tuchana asangpen atmpen hinpe, Pu Ngamlenminthang Haokip Rs 20,000 (sang-somni) S. Lhangnom Baptist Church Gambih NO. 12 chule adang Rs 5000 (sanga) toh jong phabetpi aume tuchanna hintoh ho chung kipa thu ahung kiphonge.

Lom Resource Centre (LRC):-

1. Convention Paten Pakai Lenggam natohna lamma Lhagao lam-le tahsa lamma khan touna dingle machal na dinga Lom Resource Centre e kibolu jong pathen lung setna jalin akhang toujinge. Amuna cheng Pa Thongsei Haokip Chawkider/ Care taker in jong ajouchan na atongin.

2. Achesa May 2022 lhasungin lom Resource Centre (LRC) munna Khonung ding gelkhohna jalin Go (Bambo) phung 100 (jakhat) anakitun lutben ahi. Pathen in pha asaha Gophung hong phatecha ahung hing nahle kum phabep joule Convention Men Department a ding a Income Source khatna hung pang thei dingin jong kinepna lent ah akinei jin ahi.

3. Tuni chanan Lom Resource Centre muna nakitongho le aumho:-

Vohcha 31 kivah, Vatot kivah, Motphung, Jonglha phung, Apple phung, Kawi phung, Liche phung, Ai-eng phung, Komla phung, Gophung kiphut, Esco phung, Thingchang Mai phung, Seh phung. Kolchu phung 4500 (sangli le janga) ana kiphut ahin tun pathen lungsetn jalin akijoh pantai.etc.

Kipa thuphong:- 1. 2022 Pate nikho phatah mang Houbung jouse le Office a konna Speaker a kisolho jouse chule Centre Church hole Gambiha Houbunga Speaker kisol jou louho jong phate cha thanom tah a eman jehun na chung chehuva Convention Men Department thalheng in kipathu sang tah in kahin phonge.

2. Dt 16th June 2022 (Thursday) nin Gambih No. 19. Pate Lom Resource Centre munna natongin ahung konun na tamtah akitong dohe hitabnga natonga hungkon Pate jouse aminchehu hungkipha poh jouta hih jongle chunguva kipa thu sangtah ahung kiphonge pathen in achung chehuva phat thei bohsoh kei tao-hen.

Gambih No. 19 Pate banga koigambih hijongle Lom Resource Centre munna Pathen minna natonga ahung kon thei aumle lemle nga ahijinge.





Thinghangjang Baptist Church, KBC No.9



Nisim 18th nilhah apat - 19th June, 2022 nilhah chen geijin "Pate Nikho" anaki mang in ahi. Kaikhom li(4) vei leh sun(noon) lenkhom leh Pate La kitetna jong akineijin ahi. Hiejeh chun, tuchung a Pate Nikho kiman nah a thanom tah leh kipahtah a pan hinla Thinghangjang houbung mite jouse chung a Pathen min in kipa thu sangtah in kahin seije. Pathen in houbung mite jouse kilung khat na leh kipunkhomna chuleh phattheina thalhingset pejing jeng tachen.

Pakaija Nalhacha'u, Rev. Ngulkhopao Haokip, Pastor, KBC- 9

MONGKOTKHOPI BAPTIST CHURCH. KBC NO. 8 BYD



GUITANLOU BIBLE SIMNA

Nisim June 20th apat June 25th 2022 sung in, Athum vei chan na Mongkothkhopi B/Church BYD kum tohgon Guitanlou Bible simna Pa D. Thangkhosei Men Dept. Chairman in phat honna anei in nigup sung in khanglai mi 50 vallin bible simna ananei un, khum khana Rev. Kaikam Chongloi Church Pastor in anei jin 2022 Guitanlou bible sim chu anakichai tan ahi.

Chairman, BYD

WOMEN DEPARTMENT

*Ms. Tingneihling Kipgen
Women Secretary*

Women Column

MBC Women Quadrennial Conference

May 10-13, 2022 sung in Machi Baptist Church mun a Maring Association Women Department in host abol MBC 3rd Women Quadrennial Conference ana kibol in, KBC Nute jouse thalheng in Gambih jousea Women Chairperson, Secretary leh Treasurer ho leh Convention Women Work Committee ana kikal song in



KBC a kon agom in mi 62 ana kikalsong in ahi. Mi 4 lasah kitetna a Gambih No. 16 ho kingansena dung juijin KBC thalheng in Molnoi area C/C a kon in Nu Thiamneiting Haokip @ Lynda (Controlto), Nu Lamneithem Baite @ Nancy (Bass), Nu Hoineivah Guite @ Nenei (Saprano), chuleh Nu Lamneithem Lupho @ Olly (Tenor) amaho cheng in pan alaovin Pathen kithopina jalin Best of 3 lah a asang pen inahiuvin ahi. Hitobang a aphant mantamtah hin pedoh a pan hin la Gambih Nute lamkai ho, Convention Nute lamkai ho chuleh la kitetna a pan hin la nute ho jouse jal in KBC jong MBC Nute khoppi a ilolhing uvin Pathen thangvah

in um hen. Chuleh jochan na pan hin la lamkai ho leh taona a eihin kitho piu mipi ho jouse chung a kipathu sangtah in iphong uvin ahi.

Lydia Resource Centre (LRC) Borders ho Result:

Tukum Council of Higher Secondary Manipur noi Class XII exam pe ho lah a LRC Boardinga kon a lolhin nah in nei chapang anoi ja minchong ho cheng

hi nasatah in ikipapiuvin Pathen in amaban uva jong phatthei boh jing to hen.

1. Vahhoikim Haokip (Science) – 1st Div. , 2. Pichong Haokip (Science) – 1st Div. , 3. Lhingneikim Haokip (Science) – 1st Div. , 4. Congneo Baite (Arts) – 1st Div. , 5. Kimboi Haokip (Arts) – 2nd Div. , ahiuve.



MBC Women Quadrennial Conference a La kitet na a pangho

KUKI BAPTIST CONVENTION MEITHAI NIKHO 2022 August 21, 2022

Temna leh Hetsahna

Jesu Christa thisan jal a lhatdam kachan khompi KBC gamsunga Pastor ho, Houbung lamkai, Nute kiloikhom na a lamkai ho leh mipi ho jouse, phat masan kangailutna pum in Meithai nikho salam kahin peuve! Eiho KBC Events calendar dung juija ahung lhung ding August 21, 2022 Pakai nikho hi Meithai te nikho tia in-aman jing u chu ahitan ahi. Achesa kum ni sung in natna hise jeh in Lock down aum jing in ahileh Houbung jousen deibang tah in anakimang thei pon ahi. Pathen lungsetna jal in tukum vang hi Houbung jousen eima eima mun cheh a lolhingtah a iman thei diu kinepna len akinei jin ahi. Hiche nikho a ithupi diuvin

"Meithai ho agentheinaova vil a huna nei chu Pathen hou dihtah ahi" (James 1:27) ti ahi. Hiche nikho a hi thupi toh kitoh a Meithai te dinga taona leh thilpeh ibol peh uva Tahsa leh lhagaova akipana diuva nasatah a itilkhoh diu hi Houbung in ibol tei diuva kinkhoh khat ahijeh in tuchan a KBC Houbung in ihin bol jing bang un maban a jong ibol jom jinguva adeh a tukum Meithai Nikho a hi nasatah a ibol hoi be diu vin temna leh hetsah na kahin nei jin ahi. Thupi leh Program alhangpi khat hung kigonga kon a apha jo cheh leh ahoijo cheh a jong ikisem be diu vin tem ihuive.

Kakipah e!

(Tingneilhing Kipgen)

Women Secretary, Kuki Baptist Convention

Thupi: "Meithai ho agentheinaova vil a huna nei chu Pathen hou dihtah ahi" (James 1:27)

Vannoi pumpi hop ma Meithai te kigeldoh na leh khohsah na a Meithai Nikho hung kiman patna hi 2011 bep chu anahi nalai jin ahi. Ahin kipa um tah chu Kuki Baptist Convention in vang Pathen lungsetna jal leh lamkai pha ina nei jeh un adeh in Nute lamkai masa ho Pathen in nasatah a ana man chah jeh in 1991 kum a pat in Meithai camp ina nei pan taovin ahi. Chuche jou sot lou vin Convention pumpin Meithai Nikho Events a ipan sah un kum seh in KBC a Houbung jousen ina mang jing un kipa umtah leh Pathen thangvahna peh dia lom tah ahi.

Pathen ihin hou nao hi abang khatna ding chun apu apa khangapat na hin hou jong um in tin, abang ding chun ama khangahung kipan jong um maithei jin te. Ipi chu hileh alhangpi in Kuki Baptist ten 2014 kum in Pathen ihou nao kum 100 lhin na ina lom tao vin achapang behseh chu ihi tapouve. Ahin kum tampi Pathen hin hou hita jong leu hen Pathen kipana leh san theidol a hou lou tampi ki um nalai maithei ahi. Hou in thupi tah tah isah uva la ngeitah tah leh thu ngei tah tah asunga isah uva isei ju, chuleh Hopsom maicham tam pi pi ipeh uva, von hoi tah tah leh kilom tah a ikivon uva Pathen ni jingkah seh a Hou in ijot nu bou hi Pathen hou dan dih leh Pakai kipana hideh lou ding ahi. Hou in hoi nei poute tina jong ahipoi chuleh Hopsom maicham toh poute tina jong ahideh poi ahilou leh Hou in kaina a kistem hoi angai poi tina jong ahideh poi. Ahin Pathen thu a imu dung juija



Pathen mit vetna Hou dan dih leh atheng chu Meithai ho agenthei naova vil na nei ja pan pina nei chu ahi ti imuve.

Chuti ahileh Houbung in ahilou leh Pathen cha khat in Meithai khat suh lhaset na kasah kiti hi Pathen lung natna kiloi lutna ahi. Hijeh chun mimal hui hitin kiloikhomna level leh Houbung hijong leu hen I Pathen hou vu hi amoh seh ahilou na ding leh Pathen mit vetna lah thei leh san thei ama kipana ahithe i na ding in Meithai te ding in thilpha bol na leh tilkhouna leh taopeh na lhasam lou vin Pakai kin bol jing uhite tia ikitem kit nu ahi. Pathen in asim jouse phatthei boh taken!

PROGRAMME

<i>Houkhom na Program Lamkai</i>	: Women Chairperson
<i>Thangvahna La</i>	: Ateh akhang ibon chao vin (Hb. La No. 69)
<i>Thangvahna Tao</i>	: Houbung Men Chairman
<i>Special No.</i>	: Sunday School Chapang ho
<i>Neitokhom Thenso</i>	: Head Deacon/ Deacon ho lah a khat
<i>Meithai ho taopeh na</i>	: Head Deacon/ Pastor
<i>Meithai ho ngailut thilpeh phat</i>	: Nute Lamkai ho
<i>Bible simphongna</i>	: BYD Chairperson (Text Ps 68:5)
<i>Labung</i>	: Church Choir/ BYD
<i>Thupi</i>	: "Meithai ho agentheinaova vil a huna nei chu Pathen hou dihtah ahi" (James 1:27)
<i>A Seiding</i>	: Head Deacon/Pastor/ Guest Preacher
<i>Kilhadohna la</i>	: Pakai phattheina neipeuvin (Hb. La No. 28)
<i>Kaikhom khumkhana na tao</i>	: Speaker

Taona Bidoi:

1. Dettah a pang jing Meithai dinmun lolhing tah a mang ho jal a Pathen thangvah na peh ding
2. Meithai ho leh achate diu va lhagao leh tahsa a akihin sou va Pathen deija hinkho lolhing amanthei na diu
3. Ama nopsah na lam jenga kipe meithai ho dinga
4. Houbungin meithaiho chungab abol ding dol u abol jing thei na diu
5. KBC Women Department in agon Meithai Conference masapen alolhin thei na ding (Sept. 9-12, 2022)

YOUTH DEPARTMENT

*Rev. Lunkhosei Tuboi,
Secretary, Youth*

Youth Column

Youth Employee Day

Nahi na akon in Pathen Choi-an in

Kon khat hin ihi na ipi ham ti iki het ji pouvin, kon khat ma in ipi tia hichen kaphat thei ham ti jong kihet doh thei lou akium kit jin ahi.

Pathen in mihem hojouse hi thilkhat cheh bol doh dinga ngense na le tahsan na anei cheh ahi ti het angaijin ahi. Koi kahim ipi kahim, chule ipi bol kahim ti iki het na chujou teng le Pathen in ipi lam dol a eingense ham ti igel ji teng le bou idin mun/itoh mun chule ihi na hi ahung kija bol thei jin hiche teng chule bou ihinkho chu aman tam dan le Pathen in ipi dia eihin sah ham ti ahung kihe thei bep jin ahi.

Het ding khat chu, Pathen in mihem ahin sem hi Ama vahchoi ding le Loupi nading'a ahin kitem ahi ti chu ihe cheh uve, achuti le Mihem hin Pathen loupi na ding le Choi-at na dia ei sem ahi ti ihet na ahile, eisempa adia kipa nathei dol hinkho chu eima toh na mun le thilbol namun cheh a kon na hinkho man cheh ding ahi ti kihetdoh ngai cheh ahi.

Pathen in phatthei eiboh jeh uvin tunin i-lungtup u tampi i-mol-so thei un konkhat chun Government natoh phatah tah akimun konkhat in jong Private Company dung a jong natoh phatah tah ikimu cheh un ahi, chukit le konkhat kit chun lou natoh ibol uvin, eima hina theicheh le thep na cheh a kon in natoh thein a chu inei thei cheh un ahi, achuti le hiche itoh mun ule itham mun uva kon na chu Pathen loupi nale choi-at na chu kilang jou jing ah hinam?



Ipi hile vannoi chonset nalah a Khangdong natong ho jouse adia kichat umpen tah chu ahile, vannoi set nalah a natong le thilbol ihitah jehu vin, hinkho hi chingthei tah a man chah lou akhoh lleh tan ahi.

1. Pathen toh kilha kang louva vaikon doh khom jing ding:

Pathen toh navaikon doh khom louva ahile, chonset na a naki-pal lhuh nathei ding lampi ahilou le kot lentah kihong jing ahi ti hetdoh angaijin ahi. Ahinkho a Pathen kivop pi ding deilou jouse hinkho ivet na ahile achai nalam teng kisihi nale lhaset nan akichai jing uveti mittah in mudoh thei ahijing in ahi. Hiti jeh chun Pathen chu nahou ngal ahile Pathen lung deile ngaito chu nakhoh sah jing ding chu poimo taha hie.

2. Hinkho hi Pathen kiven sah jing ding ahi:

Nahinkho Pathen in naven bit pih jing ding kiti hi leiset le vangam chen geija dia manlu pen thilpeh chu ahitai, achuti le Pathen venbit thei nadia hinkho chu ipi ti man ding ham, "Psalm 34:7 na in Pakai ging geh a umte chu Akimvel'uva Vantil'in ngahmun asan ahuhdoh jiuve" tin akisun in ahi, achuti le Pakai venbit ichan thei nadiu chu Pakai gin na hinkho chu ahijing peh in ahi, koihile Pakai ging jing mite chu Pakai venbit na chang jing diu ahile Khangdong mikhat adia Pakai gin jing ding kiti chu vannoi chonset nalah a akon onthol nathei pen chu ahi ti eihil un ahi.

3. I-natoh namun na chu Pathen in pan alah theingai ahi.

Ipi na tong hitah tao hen, ithilbol ina toh najouse a Pathen pan nathei ahilou teng le Pathen milungset na le venbit na hongsung a kon na chu kipot doh ji ahitai, tahsa lam in vang mi ot chat le thangset na lentah kichang maithei ahinai, ahivang'a thiljouse musoh le hesoh, eisem pao Pathen in ichan geijin ichunguva lhaset na anei dem ti geldoh lou thei lou ahipoi ti kaseidoh nom in ahi.

Hiti ahijeh chun sopite, ithil bol inatoh nao jouse ah Pathen lou-pi nading le Choi-at nading jeng in na tong cheh u hite chutile muthei lou phatthei nachu Pathen in ei peh jing ding u ahi.



BIBLE QUEST-2022 THUDOL A HTESAH

Koi tabang Bible Quest-2022 exam a pan lanom ho le Gambih lamkai hihen chule Quest thudol a het nom na neijousen anoiya banga hi ina hetcheh diu vin kahin tah lang'e

1. Bible Quest Exam Center:

Kuki Baptist Convention kivaihom na dungjuija Gambih hopkhen nale Centre Church ho ahung kibe jing to kilhon in 2022 October Exam Center mun ding hi athah a semphat lou akhoh tah jeh in nangma mopoh na mun cheh a Exam Center mun ding hi semtoh na ahung kinei bang'a ina melchih cheh diu vin kahin tem cheh uve.

2. Bible Quest Form:

Bible Quest Form hi kumdang chun matah tah in ahung kithot doh jin ahinlah aboi nale akilem louna tampi aum jeh in tukum hi 10th June 2022 a hung ki-hom doh pan tan, chule tuhin Gambih cheh le Houbung cheh a jong thah lut ahicheh tan ahi.

3. Bible Quest Form man:

Bible Quest Form man hi Rs. 50 hijing ding, Gambih in Rs. 10/- akikoi den na Rs. 40/- hi Office a ageipen na 28th August 2022 kah a Bible Quest Form toh ihin thah lut cheh diu vin hetsah na kahin nei jin ahi.

4. Bible Quest Portion le Bible kimang ding ho:

Bible Quest thu:

Hiche thu hi akiven anoiya bang hin seilnah na akinei tai.

- a) Portion: Solchah (Acts), Rome, 1st & 2nd Corinthians leh Galatia hi pha akisan ahi.
- b) Form man le examination date:
Form man Rs 50/- hiding chuleh Exam nikho ding in 16th October (Sunday) hiding in pha akisai.
- c) Exam Timing: 10:30 am – 12:00 noon din pha akisai.
- d) Prize: Top 1 = Rs 15,000/- + Memento
Top 2 = Rs 10,000/- + Memento
Top 3 = Rs. 7,000/- + Memento
Top 4-10 Bible (leather cover) + Memento din pha akisai.
- e) Question pattern: Multiple choice question – 80 Marks, very short answer-10 marks, Fill up – 10 marks.
- f) Bible kijang ding: Kuki pao va ana kile masa pen Bible Thadou-Kuki (Alim um loupah/adang dang asoh thah tapou pou ho jouse kimang lou ding ahi)

Chunga hung kingeh chengse hi aphot hom ma hetsah na nahin neicheh diu vin Pakai min in tem na le ngeh na avellin kahin neijin ahi.

Kakipah'e.



SHALOM THEOLOGICAL SEMINARY

STS Column

C.TH KHUMKHA HITA

Tuni Dt. 3/6/2022 (Friday) nikho in Shalom Theological Seminary mun a lhakhat C.Th course ana kibol chu damsel chan Spring Semester khumkha ahitai. Hiche closing ceremony ah Rev. Dr. M. Thongkhosei Hapkip (General Secretary, KBC) in tilkhouna leh message apen ahi.

Tuchung C.Th program a hin muntin a KBC Houbung mi 31 ahung pang uvin, hichilah a hin dammo jeh in mi khat akinung le in, mi 30 in first semester course achai thei uve. Gambih ho a kon hung kalsong ho tahlang thei chu ahileh:-

Gambih No. 1- Mi 9	Gambih No. 2- Mi 7
Gambih No. 3- Mi 1	Gambih No. 7- Mi 1
Gambih No. 8- Mi 7	Gambih No. 12- Mi 1
Gambih No. 13 - Mi 3	Gambih No. 23 - Mi 1

Hiche lah a hin kipapi umtah chu

N. Mollen - Mi 5	G. Pashong - Mi 3
J. Seloijang - Mi 3	C/C Neihsial Veng - Mi 3
L. Songphel - Mi 2	

Amaho hi houbung khat a mi 1 kal hung ho ahiuve. Next Semester hi Pathen in pha asah leh October lamleh umkit ding ahi.

STS A CERTIFICATE IN THEOLOGY (C. Th) **SPRING CEMESTER ANAKIBOL CHAITA**

Covid-19 natna hise jeh a phat chesa kum 2/ kum 3 tobang C. Th course anakiche jompi thei talou chu Pathen lungset a natna ahung dailhah to kilhonin tukum (2022) a din 16th May – 3rd June sung chun C. Th Spring Semester anakibol tan ahi. C. Th course bol a hung Simlai mi 31 lah a mi 1 chu dammo jeh in

anapang lhum jou tahpon, mi 30 in boina umlouvin lolhing tah in Spring Semester anachai theyuve. Pathenin damna phat pha einapeh-ule Second Semester hi October lha lam le umkit ding ahi. Tuchung C. Th Course bol a hungpang ho le ahinsoldoh insung mite le houbung mite chung a Pakai minin kipa thu sang-tah akiphonge. Adeh in, kipa umtah in tuchung C. Th course a hin numei mi 2 ahung pangin, amani le ahinsoldoh insung mite le Houbung mite chung a jong atumbek in kipa thu sangtah ahung kiphonge.

Tuchung C. Th course Spring Semester hondohna a Minister a einapan peh u Rev. Tonglet Haokip, President, KBC; mihil le semester khumkha Minister a einapan peh Rev. Dr. M. Thongkho-sei Haokip, General Secretary, KBC; chule mihil a eipanpeh peh u jilkung dang dangho le kin a kimangcha STS staff ho le student ho jouse chung a Pakai minin kipa sang tah ahung kiphonge.

B. Th ACADEMIC SESSION - 2022

STS a B. Th New Academic Session – 2022 a din 6th June, 2022 nikho chun Entrance Test (Written & interview) anakibolin, hiche-to lhon chun student athah mi 11 le alui mi 16 agomin, tuchan a STS a B. Th simlai mi 27 aumin ahi. STS hi Senate of Serampore college (University) noiya affiliation kimu ahitah to kilhonin, Senate exam jong ajih panu ahitan, Pathen lungset jalin tuchan a exam abol nauva mi 7 First Class in ahung pass jou-uvn, adangse Second Class in a-pass uvn ahi. Amaho jousen mihem hina boina chom chom um jongle dam le bit a Course phatah a achai theina diuvn Houbung miten itaonauva hingeldoh jingute.

STS SUNDAY (7th August, 2022)

KBC Calendar of Events dungjuvin ahung lhung ding 7th August, 2022 nikho KBC in Pathen thu le Pathen natohna dia kichuhna College khat ibol sun'u Shalom Theological Seminary (STS) a dia Houbung miten Pathen henga taona le thilpeh/ tokhom ibol-na diu nikho ahung hitan ahi. Hijeh chun, Houbung jousen hiche hi phatah a igelkhoh-uva, hiche nikho hile thonloyva Houbung tin a STS a dia taona le thilpeh/ tokhom inabol teidiuvn Pakai minin hetsahna le temna ahung kineiyin ahi. Anikhoa kiman



chahna ding program hi ama, ama houbung hitheina dol cheh a programme ikisem theina diu gelkhohna jalin Office langa konin ahung kigong tapon, eima, eima hitheina dol cheh program inakogonuva thonlouva inaman teidiuvin avel, velin Patkai minin hetsahna le temna ahung kineiyin ahi.

Taona ding point ho

1. STS a natong (jilkung ho le staff)) hon damsel a phatah le lolhing tah a atoh doh jing theina diu.
2. STS a simlai hon damsel a Course achai theina diu le ahet them theina diu.
3. STS permanent mun ding phatah le kicheh tah a budlding le infrastructure dang, dang phatah/ bulhingset a sahdo/ boldoh ahitheina dingle hichena dinga sum le pai mutheina ding.



STS SHARE

STS tosotna a kumseh le Houbung mi Baptized member khat Rs. 30/- Only itojiu hi tukum (2022) a dia tuchan a ahnipe Houbung alhomjo ahinalaiyin, atamjon ihin pehih layuve. Ape le apelouho list hung kivetsah khel, khel hih jingle ape le apelou hon iki-het cheh diu ahijeh in, apeloulai ho jousen Pakai min a hatah a ihin gelkhoh-uva STS gelkhohna jal a peh doh lina ding ihin ngitouva, ihin peh doh tei diuvin Pakai mijin hetsahna le temna ahung kinei kit in ahi.

Pakai le mipi lhacha
Rev. Dr. Haoneo Haokip
Principal, STS



OFFICE DIARY

Music Column

AWARENESS ON MENTAL HEALTH SEMINAR

KBC gambih no. 7 youth dept. tohgon na a one-day seminar: Awareness on Mental Health kiti thupi mangchan 28th May

2022 (Saturday)
nikho chun Ko-
tlen houbung
muna lolhing tah
in ana kibol in
ahi.



Resource Persons:

1. Dr. Elizabeth Vaiphei (Asst. Professor NIMHANS Bangalore)
2. Grace Nunnem (Dept. of Psychiatric, JNIMS)
3. Gracy Lamkholing Haokip (Research Scholar MU)

Kipa umtah in Gambih no. 7 sunga khangthah te mi 200+ pan alauvin lolhing tah in akichai thei e.

Pastor KBC no. 7

TOHMUN A KON A LHA ONG NA



15th June KBC Mission Driver Pa Haothenlal in KBC driver a kon a lha ong na vailhah nale taopeh na Office a kon ana kinei tan ahi. Pa Haothenlal jong malam a atoh namun a Pathen in Phatthei natosh umpi jing taken



KHANGLAI CAMP

Gambih thulhut

Pathen Phatthei nale Mapui najallin C/C Joujangtek a Date 23rd - 26th chan KHANGLAI CAMP ana kibol in Pathen jallin Lolhing tah in anaki mang e. Hichi Camp ahin Khanglai mi 87 in pan alan ahi. Camp SPEAKER a Rev. Seiboi Tuboi(KBC Youth Secy) leh Pr. Jangthang Kipgen(Gambih 25) chuleh Pr. Paogoumang Chongloi(C/C Joujangtek) in Camp Director in pan alauvin ahi. Hichi Camp hi Mission Department C/C Joujangtek Sponsore na noiya kibol ahi.

Keima Pakai Lhacha
Pr. Paogoumang Chongloi

Pate camp 2022 KBC Gambih 20

Achesa June 31, 2022 nia pat June 03,2022 sung chun KBC Gambih 20 Pate tohgon na noiya Gambih Pate Camp 2022 chu lolhing sellin ana che lha in ahi. Hiche camp a chun speaker in mini apang in ahi- 1.



Rev. Tongmang Haokip, Men Secretary, Rev. Demneh DOUNGEL Retd. Pastor KBC apang in ahi. Chule camp Director in Gambih Pastor Seiboi Haokip apang in ahi. camper hi registration dungjuiyin mi 58 tabang in pan ana la in ahi. Camp kichai nilhah in camper ho in pathen ansung a Hinkho Thah manding le Christian insung nom semding Pathen angung a kipeh lhah na aneneiuvin camp chu lolhing sellin khumkha ahitai.

Kipathu phonna

KBC Green Sunday'a mum chom chom a Speaker a kalsong ho chule Green Sunday toh kisaiya thusei lasah a kimang cha ho jouse chung a Pakai min in kipathu seijou lou kahin phonge. Kiloikhom na machal theina ding le Pakai loupi nading a ikiman chah nao le ikalson nao Pathen in eimapui jing tauhen.

Pathen in KBC phatthei boh jom jing taken.

Director,
Holistic Development



KBC CC Langol in jong Grenn Sunday/ Environment Day toh kisaiya Plastic free Zone Campaign leh thingphung phuna kin kanei nau lim ahi



World Environment Day toh kisaiya social work/cleanliness drive/plantation chule plastic free zone boards chule waste/dustbin, chule natch adang bol Houbung hon kitil khou to theina dinga lim ho share ihin bol diuvin Pakai min in ikitem cheh uve

Hou Inn Thah Lutna

Tuni nisim date 20 May 2022 ni in Molpi Baptist Church, KBC No. 20 New Church Building lhandohna chu lolhing tah in Lhangsung mite toh anaki mangkhom in ahi. Hou Inn kot honna



chu Rev. Mangboi Kipgen formel Pastor KBC No. 20 aneyin ahi. Hou Inn kot hondoh ahitoh Ihonin Pastor Thangtinsei Haokip Gambih Pastor KBC No. 20 in Apa Pathen, Chapa Pathen chule Lhagaotheng Pathen min in Thensonna le Lhandoh na anei in ahi.

MOTHER'S DAY CUM SEMINAR

Pathen mapui najal in Nisim 7-8th may 2022, Kuraopokpi bc kbc no.16, a "The role of women in the church" thu mun mangcha in Gambih pastor nu NI. Nengkhovei Haokip Resource hinale, Rev. T. Thangkhomang Haokip Gambih pastor Speaker hina "A ma nu hin abolthei Chan abol ahi tai" ti thupi mangcha in Nute le mipi tilkhon anei Ihon toh kilhon in boina Ema cha um lou in kin lolhing tah in chai ahi tai.

Pathen in Kbc W/D, le Kuraopokpi Nute mapui jing ta hen.

Pakai lhacha

Rev. T. Thangkhomang Haokip

Pastor kbc no.16

GAMBIH 23 THINGBONGJANG B/C TAHSAN TUILUT NA



Achesa nisim 1st June 2022 (Wednesday) nikho in Thingbongjang Baptist Church, KBC No.23 houbung munna Tahsan mi nga akon aum in ahi. Hiche kingon ahin Rev.Tingoulen Haokip, Gambih Pastor in kintheng natoh abollin ahi. Pathenin houbung miteho jouse phatthei jing jeng taken. Keima Rev. Tingoulen Haokip, Pastor, KBC No.23

KIPA THUPHON

Mutina Houbung lamkai, changval a tuchung ka inn meikah jeh a thil le lo, sum le pai, neh le chah chule taona eikithopi ho jouse chung a kipana kahin phong in chutoh kilhon in tunin KBC No. 15, Pastor pu Rev.Thanglen le gambih executive hon Jong eihung vil uvin sum le pai, thil keo manchah ding tampi eihung peh uva pathen henga lhamon nale taona eihung neipeh jal uvin insung miten kakipa nau kahin phong uvin pathen kahin thangvah uve, koi koi hile keiju inmeikah jeh le toset jeha eihungve jouse le eikithopi ho jouse chung avel vel in kipathu kahinsei uve, Pathen in nathilpha bol na chunguvah nabonchauvin dam nale phatthei na boh jing tau hen.

Keima, Pakaija nalhachau
Rev. T. Thangkhomang Haokip, Pastor KBC no. 16



O B I T U A R Y



GI. JANGMINLEN VAIPHEI

Pen nikho 13-02-1991 Athi ni 22-06-2022

Aumtalou Pu Thangjang Vaiphei Theology lam a M. Div. hi Trinity College & Seminary, Sielmat Churachandpur mun na 2019 kum in ana chaikhat anahin hiche jeh chun 2020 Kum in KBC Missionary khat in appointment ahin mun chutolhon in Haolenphai Dr. Colvin School & Academy mun na Head Master na ahin tong in ama athi nigeijin ana tong in ahi.

Ama hi milung neng, mi lungpi atoh na lam lam'a lunglut tah a bol/tong mi ahin, Pathen na tong ding a ahung kigellhah nia pat athan ajo laisen Pathen lenggam a din ahung kalsong in ahi.

2022 May Iha a kipat in dammo na ana neitan ahin Pate nikho 19/06/2022 ni chun T. Laijang B/C mun na Pate nikho Speaker in ache in, hiche nikho a athusei hi ahinkho a ding'a a sermon nunungpen chu anahi tai.

Damding kingaicha lheh jong leh Pathen gon mihem in kipel theilou chu hitan tin 22-06-2022 jinglam nidan 2:40 AM don in ahaina hu alhan Tonsot na Pakai kom'a choldo ding in ana che masa tai.

Evan. Jangminlen Vaiphei in athiding kon na Asermon peh na a asej nukhah pen chu ahile, "Mihem hi ichan chung'a lunglhai ding, chule lunglhai nading'a jong kithem chuh jing ding ahi" ti hi athumop nunung pen ana hin ahi.

Pathen in adalhah Houbung leh Insungmite chule Kuki Baptist Convention mipi te lungmon nan ei umpi cheh maitao hen.

KBC C/CHURCH NEW LAMBULANE TE CHUNGA KIPA THUSEINA

KBC C/C N.L Houbung mite chung a kipa thu sang tah in kahin phongin ahi. KBC Mission field Tripura mun" a Houin hoitah khat 9 lakhs val lut in eisah peh uvin nism 29th March 2022 nikho chun Rev Seitinmang Vaiphei Pastor Centre Church New Lambulane in Pakai anga katdoh na aneitan ahi.



Youth Department makaina noija 28th May 2022 nin KBC Music Committee tohgon Music Mobilization Program 3rd Batch (Gb 4,5,6,23) in KBC Centre Church Kangpokpi munah annei kit un ahi.

Chassad Centre Church KBC No.17 a Nisim 26 June 2022 , chate camp a chate mi 12 in tahsen tuihut na ananei jin lohling tah in ana kichai tai.



AWARENESS ON MENTAL HEALTH SEMINAR KBC gambih no. 7 Youth Dept. tohgon na a one-day semnar Awareness on Mental Health kiti thupi mangchan 28th May nikho in lohling tah in ana kimang in ahi.

Post Regd. MNP/81
Regd. No. 18134/88

KBC Events muntin houbung a akiman
bang in Nute nikho kimanna limalah



KBC Events Environment houbung a akiman toh kilhon in houbung
mipi ho khosung suhthengna ana um ho limalah.



If undelivered, Please return to
The Editor, KBCThuso
Kula Baptist Convention
Opp. DM College, Imphal - 795001
Contact : 9860633173